

Na osnovu člana 16. stav 2. Zakona o Vladi Zeničko-dobojskog kantona – prečišćen tekst („Službene novine Zeničko-dobojskog kantona“, broj: 07/10 i 3/23) i člana 37. stav (1) i člana 52. Zakona o izvršavanju Budžeta Zeničko-dobojskog kantona za 2025.godinu („Službene novine Zeničko-dobojskog kantona“, broj: 25/24), na prijedlog Ministarstva za prostorno uređenje, promet i komunikacije i zaštitu okoliša-Kantonalne direkcije za ceste, Vlada Zeničko-dobojskog kantona, na 75. sjednici, održanoj 04.04.2025. godine, d o n o s i

O D L U K U

o usvajanju Programa utroška sredstava Ministarstva za prostorno uređenje promet i komunikacije i zaštitu okoliša-Kantonalne direkcije za ceste, pozicija „Kapitalni transferi drugim nivoima vlasti- Izvor 10“ Budžeta Zeničko-dobojskog kantona za 2025. godinu

Član 1. (Predmet)

Usvaja se Program utroška sredstava Ministarstva za prostorno uređenje, promet i komunikacije i zaštitu okoline-Kantonalne direkcije za ceste, u razdjelu 19, budžetska organizacija 03, potrošačka jedinica 0001, ekonomski kod 615100 – naziv pozicije „Kapitalni transferi drugim nivoima vlasti-Izvor 10“ Budžeta Zeničko-dobojskog kantona za 2025. godinu, koji čini sastavni dio ove Odluke.

Član 2. (Način realizacije sredstava)

Sredstva planirana ovim programom utroška sredstava, realizovat će se isključivo u skladu sa realizacijom ostvarenih javnih prihoda u Budžetu Zeničko-dobojskog kantona u prethodnom mjesecu, planovima novčanih tokova Budžeta Zeničko-dobojskog kantona, te mjesečnim i kvartalnim operativnim planovima izvršenja Budžeta odobrenim od strane Ministarstva finansija, osim u izuzetnim slučajevima odobrenim posebnim aktima Vlade.

Član 3. (Realizacija Odluke)

Za realizaciju ove odluke zadužuju se Ministarstvo za prostorno uređenje, promet i komunikacije i zaštitu okoline – Kantonalna direkcija za ceste, Ministarstvo finansija, svako u okviru svojih nadležnosti.

Član 4. (Stupanje na snagu)

Odluka stupa na snagu danom donošenja i objavit će se u „Službenim novinama Zeničko-dobojskog kantona“.

Broj: 02-11-6819/25

Datum, 04.04.2025. godine

Zenica

PREMIJER

Nezir Pivić

DOSTAVLJENO:

1x Ministarstvo za prostorno uređenje, promet i komunikacije i zaštitu okoline,

1x Kantonalna direkcija za ceste,

1x Ministarstvo finansija,

1x „Službene novine Zeničko-dobojskog kantona“,

1x a/a.

PROGRAM UTROŠKA SREDSTAVA
Ministarstva za prostorno uređenje promet i komunikacije i zaštitu okoliš-
Kantonalne direkcije za ceste,
pozicija „Kapitalni transferi drugim nivoima vlasti-Izvor 10“
Budžeta Zeničko-dobojskog kantona za 2025. godinu

Član 1.
(Svrha programa)

Svrha ovog programa je da se odobrena sredstva iz Budžeta Zeničko-dobojskog kantona za 2025. godinu („Službene novine Zeničko-dobojskog kantona“, broj 25/24), sa razdjela 19, budžetska organizacija 03, potrošačka jedinica 0001 – Kantonalna direkcija za ceste, ekonomski kod 615100 – naziv pozicije „Kapitalni transferi drugim nivoima vlasti“ Budžeta Zeničko-dobojskog kantona za 2025. godinu, u iznosu od 3.000.000,00 KM (slovima: trimiliona konvertibilnih maraka), koriste za realizaciju projekata iz oblasti cestovne infrastrukture, a sve u vezi sa Strategijom razvoja Zeničko-dobojskog kantona za period 2021. – 2027. godina:

Član 2.
(Visina sredstava)

Visina sredstava utvrđenih ovim programom iznosi 3.000.000,00 KM (slovima: trimiliona konvertibilnih maraka)

Član 3.
(Izvor sredstava)

Izvor sredstva: Budžet Zeničko-dobojskog kantona za 2025. godinu („Službene novine Zeničko-dobojskog kantona“, broj 25/24), razdjelu 19 - Kantonalna direkcija za ceste, budžetska organizacija 03, potrošačka jedinica 0001, ekonomski kod 615100 – naziv pozicije „Kapitalni transferi drugim nivoima vlasti“.

Član 4.
(Kriteriji)

Kriteriji raspodjele: raspodjela sredstava za realizaciju projekata iz oblasti cestovne infrastrukture Zeničko-dobojskog kantona izvršit će putem Javnog poziva za realizaciju kapitalnih projekata iz oblasti cestovne infrastrukture Zeničko-dobojskog kantona koji se odnose na rekonstrukciju i sanaciju lokalne cestovne infrastrukture od turističkog značaja i drugog značaja za lokalnu zajednicu. Osnovni kriteriji za raspodjelu sredstava je vlastito učešće općine/grada u realizaciji projekta, kao i stepen pripremljenosti projektno-tehničke dokumentacije za realizaciju projekta, a sve u skladu sa Zakonom o prostornom uređenju i građenju Zeničko-dobojskog kantona i Zakonom o cestama FBiH. Također, izvršit će se transfer Gradu Visoko s ciljem nastavka rekonstrukcije lokalne ceste od značaja za kanton kroz industrijsku zonu Ozrakoviće, jer predstavlja alternativnu dionicu regionalne ceste R445 Visoko-Podlugovi zbog zabrane prelaska teretnih vozila preko Betonskog mosta u Gradu Visoko.

Član 5.
(Korisnici)

Korisnici sredstava su gradovi i općine na području Zeničko-dobojskog kantona.

Član 6.
(Distribucija)

Distribucija sredstava iz člana 2. ovog Programa vršit će se na osnovu provedenog Javnog poziva za realizaciju kapitalnih projekata iz oblasti cestovne infrastrukture Zeničko-dobojskog kantona u kojem će biti definisani kriteriji za dodjelu sredstava, izuzev za sredstva iz tačke 2. člana 9. ovog Programa.

Član 7.
(Realizacija)

Za realizaciju sredstava po ovom Programu zadužuju se Ministarstvo za prostorno uređenje, promet i komunikacije i zaštitu okoline - Kantonalna direkcija za ceste, Ministarstvo finansija, svako u okviru svojih nadležnosti.

Član 8.
(Izvještavanje)

O utrošku sredstava po ovom Programu, Ministarstvo za prostorno uređenje, promet i komunikacije i zaštitu okoline - Kantonalna direkcija za ceste dužna je polugodišnje izvještavati Vladu Zeničko-dobojskog kantona.

Član 9.
(Utrošak)

Sredstva iz člana 2. ovog Programa utrošit će se kako slijedi:

R. br	Opis	Planirana sredstva/KM
1.	Rekonstrukcija i sanacija lokalne cestovne infrastrukture od turističkog značaja i drugog značaja za lokalnu zajednicu	2.800.000,00
2.	Transfer za lokalnu cestu kroz industrijsku zonu Ozrakoviće, a koja predstavlja alternativnu dionicu regionalne ceste R445 Visoko-Podlugovi zbog zabrane prelaska teretnih vozila preko Betonskog mosta u Gradu Visoko. Po okončanju radova na navedenoj dionici stvorit će se uslovi da predmetna cesta postane sastavni dio regionalne ceste R445 Visoko-Podlugovi.	200.000,00
UKUPNO:		3.000.000,00

Broj: 02-11-6819/25

Datum, 04.04.2025. godine
Zenica

PREMIJER

Nezir Pivić

DOSTAVLJENO:

1x Ministarstvo za prostorno uređenje, promet i komunikacije i zaštitu okoline,
1x Kantonalna direkcija za ceste,
1x Ministarstvo finansija,
1x „Službene novine Zeničko-dobojskog kantona“,
1x a/a.